

敬
言
铎

警鐸卷四

虛靈真人降

性理論

性根於心。理寓於性。人得天地之氣以成形。即得天地之理以成性。故曰。性即理也。千古完全性理者。首推堯舜。故孟子道性善。言必稱堯舜。天下剝喪性理者。則有盜跖。故孟子言雞鳴而起。孳孳為利者。跖之徒也。然世之論性者不一。荀子則曰。性惡。揚子則曰。

善惡混。佛氏則曰。作用是性。告子則曰。生之謂性。食色為性。蘇氏胡氏則曰。性無善無不善。韓子則曰。性有三品。言之愈詳。則性之理愈不可見。要皆不若孟子言性善為至當也。顧或謂性無二性。理無二理。何堯舜盜蹠相去之遠也。曰。人皆可以為堯舜。特患人不為耳。即盜蹠亦無異性也。陷於物欲而已。且人無不樂為堯舜。而樂為盜蹠者。人稱我盜蹠則惡之。本無盜蹠於其心也。人稱我堯舜則喜之。本有堯舜於

其心也。即堯舜心中亦有盜跖。懼其為盜跖。故堯舜也。盜跖心中亦有堯舜。自以為堯舜。故盜跖也。然則性善何疑焉。亦視人之能率與否耳。不能率性。則堯舜可轉為盜跖。果能率性。則盜跖可轉為堯舜。一念之間。聖狂判焉。可不懼哉。

雲遊仙治心子降

春風吹我下壇場
堪笑人心日顛倒

兩袖烟籠分外香
敢將良藥起膏肓

治心論

人之所貴者心也。第以心言。不足見心之貴。心一物也。耳目口鼻四肢百骸亦一物也。人固有心。馬牛犬豕豺狼麋鹿亦各有心。何足貴。抑知人受天地之中氣以蓄於心。固有超越乎馬牛犬豕豺狼麋鹿者。馬牛犬豕豺狼麋鹿其心橫。人之心則直順。是直而長之。則為惻隱。為恭敬。為是非。為羞惡。以之處己則順而祥。以之待人則和而平。以之理天下國家無所處。

而不當。苟任其出入顛倒錯亂。其心一橫。則將為馬。
為牛。為犬。為豕。為豺。狼。麋。鹿。而不能與天地參。然則
心可不治乎。吾獨怪乎人重口體而不重心。其於體
也。則必用鮮衣美服以彰之。其於口也。則必用旨酒
嘉殽以悅之。且如身體手足。時加洗濯。時加檢束。而
獨於心。則置之不問。將性之所發。為仁義禮智信者。
盡湮沒無存。可勝慨哉。然則何以治之。亦惟去舊染
之污。以還其固有而已。故曰。道之始終。祇一鍊心。心

警金
死則神活。神活則炁凝。炁凝則胎結。胎結則神藏。神藏則光露。光露則運靈。運靈則變化無窮。而大道成矣。非然者。心為靈物。而一任其馬牛犬豕豺狼麋鹿之。不大可惜哉。吾固從治心得來者。不現身說法。以度緣人。吾心不安矣。爾世人其喻之。

惠民大帝降

凝神養氣見先天
採得明珠光灼灼

抽坎填離本自然
丹成指日作金仙

聖賢仙佛辨

聖賢仙佛。皆人力之所能為也。然與其天上多一神。仙。不若人間多一聖賢。蓋仙佛之幹旋氣數。不若聖賢挽救人心之尤為得力也。而人動以聖賢為不可學。抑知人之生也。秉天地精華之氣。受父母養育之恩。對於萬物為最靈。究諸本性。則固善。固無不可造。到聖賢地位也。自嗜欲開。而沈溺功名富貴者有之。迷罔聲色貨利者有之。且習於奸邪不正。甘於悖逆。

無道者亦有之。是豈人之本性哉。亦後起之緣。有以使之然也。夫人以心為主。固與天地相流通。天地不外陰陽二氣。人之一呼一吸。亦不外乎陰陽。故起心動念。天地皆知。吉凶禍福之機。捷於影響。非讐言也。且天地之所以布化者。四時雨露也。聖賢之所以立教者。五倫道德也。其言至淺。其理彌深。善學者循序而漸進焉。賢無關此其闕也。聖無域此其域也。可以播當時美譽。可以享萬古馨香。由聖賢而仙佛。初無

二道也。今人所羨慕者仙佛。所忽畧者聖賢。不揣其本而求其末。不知所先而計其後。無怪乎訓者諄諄聽者藐藐。而神聖飛鸞顯化之苦心。亦徒勞矣。夫禮斗朝真。持齋戒殺。特仙佛之初階。淺見者每視為真諦。試觀古今來稱大聖大神者。其初不過於倫常日用間。身心性命處。致其力耳。事君以忠。事親以孝。交友以信。守身以禮。處世以義。一言一行。無一不從。至性流出。故入則為鄉黨斗山之士。出則為朝廷柱石。

之臣。生則為兩間正直之人。死則為萬世欽崇之品。
中庸之道。實入聖之門也。人其勉乎哉。同賦此形骸。
同具此知識。而獨讓前人為聖。為賢。為仙。為佛。其愚
亦可哂矣。有為者亦若是。人其三復斯言。

河上仙翁降

香風幾度入樓臺

河上仙翁控鶴來

此地幽閒有真趣

溷居雅得近蓬萊

天下事順則易。逆則難。大較然也。吾每於夕陽西

下時。遙望江景。見夫征帆商舶。飄蕩東西。順流而下者。一番風信。頃刻杳然。逆撐而上者。則欸乃一聲。稍縱即退。因有感於此。而作順逆說以諷之。

順逆說

天下之事。有上必有下。有順必有逆。逆而上者。如登山。順而下者。如墜井。事無不以逆成。而以順敗。蓋性不磨不瑩也。識不鬱不奮也。所為不拂。不知經世之難也。是以德慧術智。恆從疾疾而來。人欲力爭上流。

非苦其心志。勞其筋骨。餓其體膚。不可得也。聖人教人當逆而上。不可順而下。故曰。為學如撐上水船。一篙不可放過。蓋恐流與小人伍也。由是言之。人不能逆行而上。如大舟泊於激浪中。而不穩把其舵。急抽其篙。其不傾覆者鮮矣。昔文王周公孔子大聖人也。皆以逆成。故文王演易。周公作象。孔子繫之。而曰易逆數也。逆之時用大矣哉。自古及今。忠臣孝子無不以逆成。統袴膏粱。無不以順敗。逆亦何負於人哉。世

之人每以逆行為難。而以順行為易。以逆行為最苦。而以順行為最樂。而不知逆則聖順則凡也。噫。世人當以逆為上。而以順為下。救劫天尊降

至道危言億萬篇

苦哉仙佛費參研

誠能解得神仙苦

浩劫何由降大千

原劫

嗚呼劫運何由至哉。生民自釀之耳。於何釀之。利欲

薰心。牢不可破。機變百出。片善不為。故成此不可救
之勢也。夫天有好生之德。一草一木。莫不被澤。況於
人乎。其愛之也。有如父母之愛子。無所不至。無日或
忘。父母之愛子也。則惟其疾之憂。天之愛人也。則惟
其惡之憂。必欲使億萬生靈。無日不善。無人不善。無
念不善。無事不善。無偶蹈乎不善。然後刀兵免。水火
消。盜賊弭。而五穀登。民物康阜。天願乃償。浩劫之降。
豈忍心哉。當其劫之來也。始以盜賊。繼以水火。由小

至大以示儆也。能於此時勤修八德。恪盡五倫。心敬
神明。學宗孔孟。則三期之劫。未必遽臨。民不知之耶。
抑甘受罰而不惜耶。噫。良可哀已。吾日以救世為心。
雅願斯民康樂。共慶承平。奈利欲薰心。執迷不悟。雞
鳴而起。孳孳以富貴宮室妻妾為懷。所與交接附和
者。無非匪彝。所論所聽之言。無非陰狠。其始也。猶有
君子相往來。及見其掩不善而著善。則肺肝畢露。哲
人退而自保矣。夫君子日疏。小人日親。譬入鮑魚之

肆久而不聞其臭。於是視君子如小人。視小人如君子。自陷於小人隊而不覺矣。孟子云。民日遷善而不知所以為之。若而人者。日為惡而亦不知所以為之也。由是口不絕非禮之言。目不絕非禮之視。耳不絕非禮之聽。至於手足一舉一動。亦無非非禮之行。日積月累。習成自然。種種劣跡。無所不備。勢不致釀成不可解之大劫不已也。市井少年。血氣未定。又從而效之。放蕩形骸。奸淫邪僻。一唱百和。漫無底止。市井